

Athbhreithniú ar Luasteorainneacha Nóta Faisnéise

Luasteorainneacha Réamhshocraithe

Déantar foráil leis an Acht um Thrácht ar Bhóithre 2004, arb é an bunús reachtaíochta do luasteorainneacha go ginearálta, maidir le luasteorainneacha mainneachtana a chur i bhfeidhm i ndáil le cineálacha éagsúla bóthair, mar seo a leanas:

- Mótarbhealaí - 120 km/h.
- Bóithre Náisiúnta - 100 km/h.
- Bóithre Réigiúnacha agus Áitiúla - 80 km/h.
- Limistéir faoi fhoirgnimh - 50 km/h (sainmhínítear limistéar faoi fhoirgnimh san Acht Rialtais Áitiúil 2001).

Luasteorainneacha Speisialta

Faoi Acht 2004, féadfaidh Comhairle Contae nó Cathrach Fodhlíthe Luasteorann Speisialta a dhéanamh chun an luasteorainn réamhshocraithe a athrú ar aon bhóthar poiblí laistigh dá limistéar riaracháin.

Is feidhm fhorchoimeáda den Údarás Áitiúil é Fodhlíthe Luasteorann Speisialta a dhéanamh (i.e. ní mór do Bhaill Tofa na Comhairle na Fodhlíthe a rith). I gcás ina mbaineann na Fodhlíthe Luasteorann Speisialta le luasteorainneacha ar bhóthar nó ar mhótarbhealach náisiúnta, tá toiliú scríofa roimh ré ó Bhonneagar Iompair Éireann riachtanach. Cuimsíonn an próiseas chun Luasteorainneacha Speisialta nua a shocrú comhairliúchán ag an Údarás Áitiúil leis an nGarda Síochána agus leis an bpobal i gcoitinne.

Athbhreithniú ar Luasteorainneacha

I mí na Samhna 2013, d'fhoilsigh an Roinn Iompair, Turasóireachta agus Spóirt (DTTS) an tuarascáil **Athbhreithniú ar Luasteorainneacha 2013**. Ceann de phríomh-mholtaí na tuarascála ná gur chóir go ndéanfaí athbhreithniú ar gach luasteorainn ar fud na tíre agus iad a thabhairt cothrom le dáta, de réir mar is cuí. Mhol an tuarascáil freisin gur chóir na Treoirlínte Luasteorainneacha a athbhreithniú agus a nuashonrú. D'fhoilsigh DTTS **Treoirlínte nua maidir le Luasteorainneacha in Éirinn a Shocrú agus a Bhainistiú** ina dhiaidh sin i Márta 2015 agus chloí Bonneagar Iompair Éireann leo (TII). I mí Aibreáin 2015, d'ordaigh DTTS do gach Údarás Áitiúil agus TII athbhreithniú náisiúnta luasteorainneacha a dhéanamh agus luasteorainneacha a nuashonrú de réir na dTreoirlínte athbhreithnithe. Éilíonn na Treoirlínte Luasteorann nua go mbeidh na baill foirne a bhfuil baint acu le socrú agus le bainistiú na luasteorainneacha "oilte agus inniúil" maidir le húsáid na dTreoirlínte.

Cuspóir an Athbhreithnithe

- Athbhreithniú a dhéanamh ar **neamhréireacht** agus **neamhoiriúnacht** na luasteorainneacha ar fud na tíre ar leagadh béim orthu i dtuarascáil 2013.
- Dul i ngleic leis na saincheisteanna sin agus leibhéal níos airde **creidiúnachta**, **measa** agus **comhlíonta** a chothú sa chóras luasteorainn agus, ar deireadh thiar, chun **sábháilteacht** an chórais bóthair a fheabhsú.

Athbhreithniú ar luasteorainneacha ar bhóithre náisiúnta

Bhunaigh TII Foireann Athbhreithnithe Luasteorann chun an t-athbhreithniú a dhéanamh ar an ngréasán bóithre náisiúnta. Rinneadh an próiseas athbhreithnithe fairsing agus cuimsitheach seo de réir na **dTreoirlínte maidir le Teorainneacha Luasteorainneacha in Éirinn a Shocrú agus a Bhainistiú** agus d'éiligh sé iarracht comhoibrioch idir na húdaráis áitiúla agus an TII, faoi threoir DTTS.

Stádas Reatha

Tá na hathruithe luasteorann molta ar bhóithre náisiúnta a aithníodh tar éis athbhreithniú an TII mar chuid d'athbhreithnithe luasteorann na nÚdarás Áitiúil féin laistigh dá limistéir riaracháin faoi seach.

Is faoi gach Údarás Áitiúil atá sé Fodhlíthe Luasteorann Speisialta a ullmhú agus a dhéanamh chun na luasteorainneacha athbhreithnithe aitheanta a chur i bhfeidhm. Mar a luadh níos luaithe, ní mór do na húdaráis Áitiúla toiliú scríofa a fháil ó Bhonneagar Iompair Éireann maidir leis na Fodhlíthe Luasteorann Speisialta beartaithe a bhaineann le bóithre náisiúnta.

Cad a tharlaíonn ina dhiaidh sin?

Nuair a bheidh an tAthbhreithniú ar Luasteorainneacha críochnaithe i ngach ceantar Údarás Áitiúil agus na Fodhlíthe Luasteorann Speisialta déanta, cuirfear comharthaíocht luasteorann athbhreithnithe in airde chun na teorainneacha seo a chur ar an talamh. Leanfaidh TII de bheith i dteagmháil le gach Údarás Áitiúil chun suiteáil na comharthaíochta seo a éascú ar an mbealach is éifeachtaí.

Go ginearálta, ba cheart luasteorainneacha a shocrú de réir na dTreoirlínte, agus níor chóir iad a chur i bhfeidhm chun dul i ngleic le corrghuaiseacha nó chun deonú Cead Pleanála a éascú.